

楊襄毅公本兵疏議

楊襄毅公本兵疏議卷之十四

請諭雲南守臣協心平賊

少保兼太子太保兵部尚書臣楊博等謹

題為地方賊情事職方清吏司案呈奉本部送兵科抄
出巡撫雲南等處地方都察院右都御史呂光洵鎮
守雲南總兵官征南將軍黔國公沐朝弼巡按雲南
監察御史王諍題俱奉

聖旨兵部知道欽此又該兵科都給事中邢守庭等題為
滇省夷賊為患懇乞

天語切責重臣以安重鎮事奉

聖旨兵部看了來說欽此又該鎮守雲南總兵官征南將軍黔國公沐朝弼奏為懇乞

天恩俯憐世鎮孤臣早

賜宸斷以彰國法以昭公道以安邊方事奉

聖旨該部知道欽此欽遵通抄送司案呈到部看得雲南南安易門等處賊情一事去歲已發其端雖經官司從宜撫處未得停妥仰蒙

聖皇在上明見萬里俯從吏部等衙門之奏特將工部左侍郎呂光洵陞都察院右都御史令其前去巡撫光洵以今年閏二月馳至地方三月即有前項之變

稱調集土兵擒獲二十餘名其餘尚在流劫未見戡
定該科欲要光洵及今陞任之初整飭振刷無非重
加責成之意傳來總府賊書事之虛實固難盡信管
莊催莊員役倚勢作威乘時射利誠如該科所論總
府世守雲南專管軍務巡撫都御史每事與之計議
謂之贊理軍務且無言元江之例即如京營既有鎮
遠候顧寰又有叶理都御史南京既有魏國公徐鵬
舉又有叅贊尚書兩廣既有恭順候吳繼爵又有提
督郎本以相濟原非相病該科今議查與巡按王
譚之言大畧相同雲南自來以夷攻夷積歲驕蹇未

免指大於股撫按官選練衛所官兵之策深得強幹弱枝之意係于邊政夷情相應通行議擬合候

命下行移巡撫都御史呂光洵總兵官沐朝弼巡按御史王諍嚴督守巡各道調集各土官兵務將首惡設法擒勦以靖地方其餘脅從之徒姑不深究中間有能擒獲首惡送官者准與贖罪仍加賞勞總府管莊催莊員役巡按御史從實查究如果生事害人賊書不虛逐名提問重加究治該處不許占悞阿庇自干清議若係賊書詐偽不宜輕易理論以傷大臣之體以中小人之私大率至明至公方協輿論鎮巡官一面

將省城各衛所及在外各衛所正軍軍餘盡數清出
嚴加訓練以備征調事完造冊奏繳總府

欽賜莊田照舊徑行徵租但須嚴戢下人恬靜不擾以安
世祿之寵萬一不行斂戢激變小民

國典具存自難假借本部備行翰林院將雲南巡撫

勅內增入贖理軍務字樣齎赴呂光洵欽遵行事合用旗
牌行移該部照例請給及照協恭乃人臣之體雷同
非 國家之福若使緊關大事不論可否盡行依違
瑣屑小事不分是非輒肆爭辯在中土小臣固為不
可在邊徼大臣尤為不可臣等竊見呂光洵蒞鎮之

初原無過舉及查總兵沐朝弼具奏之詞大率不情但惟義在同舟動見管戾揆之事體殊可駭愕該科謂呂光洵理有所不合不必屑屑於將迎法有所必伸不必規規於顧忌意誠有見於此伏望

皇上嚴飭二臣以後務要忠貞相勵謀斷相資先公而後私先人而後己專意平賊毋營家計如再仍前矛盾致悞邊事聽巡按御史罪坐所由從實叅究嘉靖四十三年六月初六日題奉

聖旨是欽此

覆巡視京營孔道官辛自修等條陳營務疏

題為春操已畢據事陳言以圖武備萬全事職方清吏
司案呈奉本部送兵科抄出巡視京營吏科等衙門
左給事中等官辛自修等題又該御馬監提督勇士
四衛營太監陳憲題為申明舊例克實禁兵以崇侍
衛以壯國威事俱奉

旨兵部看了來說欽此欽遵通抄送司案呈到部看得
巡視京營左給事中等官辛自修等條陳五事均於
安攘有益合就開立前件併提督太監陳憲所題一
體議擬上請定奪嘉靖四十三年六月初七日題奉
聖旨依擬行欽此

一精練步騎看得巡視科道官幸自修等所陳大率
欲將戰兵六枝車兵十枝嚴加揀閱亟行操演中間
舉行犒賞尤得鼓舞人心之要合無依其所擬移文
總協大臣趁今秋操之時嚴行各營副將孫吳任勇
等通將所部兵馬分別步騎要見何人堪作選鋒何
人堪備駐守一切操演事宜悉聽諸將便宜行事務
使步騎相兼竒正迭用耳目明于旗鼓前後熟於指
麾其操練兵車亦要不失止則為營行則為陣之意
以後果有成效科道官按時較閱動支子粒銀兩分
等賞勸如敢因循玩愒指名叅究以示懲戒諸將果

有奇謀異見不時開送戎政大臣并科道處以備采
用切不宜駕言不便功則歸已過則歸人以傷大體
一補給馬匹看得巡視科道官辛自修等所陳大率
要將三大等營兵車十枝出戰六枝及各枝內召募
家丁通行補給馬匹無非整飭戰守之意但近日戎
政大臣討補馬匹已該本部題奉

欽依出戰六枝較之別營稍為緊要每枝除見馬外各與
補足一千五百匹專聽征調家丁馬匹臨期就於此
中選兌事完交還其餘各枝另候補給况營中之馬
旋給旋倒無濟實用必須講求養馬之法方可議處

給馬之事合無行移給事中辛自修等備查該營節年領過馬匹若干倒死若干見在若干必須如何處置馬匹方免倒死備將事例查明從長具奏定奪

申明事權看得巡視科道官辛自修等所陳大率謂四衛營官軍勇士疋情不堪欲要責成提督痛懲舊弊及該太監陳憲反覆辨論欲要補足原額查得騰驤四衛原係

朝廷禁軍一應操練委管事宜例該本監提調科道官自難干預但兵貴於精不貴於多見在之兵方議振剏未見改絃不數之兵又復添補徒為畫餅合無斟

酌所擬行移該監太監陳憲赴今新任之初務將該營中軍坐營等官從公推舉應操軍勇等役如法訓練在勇士營者必使武藝精通在四衛營者必使弓馬閑習以示居重馭輕之意候其果有成效聽本部將原缺人役陸續驗補其餘椿朋子粒事干錢糧者仍聽科道官照舊查理

一專重巡捕看得巡視科道官辛自修等所陳大率謂京城内外地廣軍少欲將新抽操軍三千仍舊夜巡查得巡捕官軍原為緝捕姦宄而設近日新選三千另行操練迺一時防禦之微意但因將領匪人竟

成虛文止應故事甚至役占家丁縱容頭目一切弊端誠如科道官所論合無依其所擬劄行本部督捕郎中楊吉公同新任提督任俊將前項操軍三千名盡數查出與同別軍分為兩班通令巡捕通行操練假如一班上班上班者嚴督夜巡一班下班下班者酌量操練提督叅將等官各要親加巡歷敢有仍前私占軍役縱放科害者聽本部委官并科道官指實叅究地方但有失盜該管把總即便開報本部嚴為緝捕本部委官仍置立簿籍明白開寫以便稽考不止把總叅將如果失事數多定將提督官一併叅究

一清解馬價看得巡視科道官辛自修等所陳大率謂近來解官類多侵欺欲要鑄造銅法慎選解官無非防革姦弊之意合無依其所擬行令太僕寺動支馬價銀兩會同巡視科道官比照該寺新鑄銅法一樣鑄造八副每副定以五百兩為率背鑿各官花押以後各邊鎮奏請馬價聽本部選委各衛掌印指揮或經歷一員赴寺領解該寺即將所鑄銅法每五百兩一秤督令解官自行敲針取平不許該庫官吏高下其手兌完就將銅法隨銀封去本部行移各鎮預造大天秤一架待銀到日或送兵備道或委附近州

縣正官驗明封去銅法亦照五百兩一秤總收事完
仍封原法責付解官齎回送寺如果正數短少即係
解官侵盜一面就令如數賠補一面咨部以憑參究
覆兩廣提督侍郎吳桂芳等潮州征倭獻捷疏

題為大勢倭奴新舊合夥仰仗

天威官軍奮勇血戰飛報異常捷音事職方清吏司案呈
奉本部送兵科抄出提督兩廣軍務兼理巡撫兵部
右侍郎兼都察院右僉都御史吳桂芳巡撫南贛汀
漳等處地方提督軍務都察院右僉都御史吳百朋
鎮守兩廣地方總兵官程燾將軍恭順侯吳繼爵各

題同前事俱奉

聖旨兵部知道欽此欽遵通抄送司案呈到部看得提督
兩廣軍務侍郎吳桂芳等題稱潮州倭寇流突滅水
地方我軍一鼓盡滅俘馘焚蕩約計二千雖有逃亡
漏網數亦不多及稱總兵官俞大猷忠奮激烈樹此
偉績僉事徐胤宰督兵轉餉叅將王詔門崇文轉戰
分猷勤勞特著乞要先行加賞各一節為照前項倭
奴始而屯聚烏石仍襲與化之故智繼而流突滅水
全恃潮海之結巢迺今我兵一鼓其氣斬獲焚燒數
至二千之上雖有餘孽鳥驚魚散極其狼狽福建掃

李三才傳卷之二十一
五十一
蕩之功誠為第一廣東此功即為次之仰仗我

聖皇在上一德格天百蠻落魄濱海生靈不勝欣慶一時
效勞人員如侍郎吳桂芳總兵官俞大猷吳繼爵都
御史吳百朋文武同心謀勇相濟在提督則懸賞鼓
衆筭無遺策在總兵則誓死殉師克收全捷即觀先
後于襄之績具見東南得人之盛至於僉事徐甫宰
等叅將王詔等之功既該吳桂芳等具題前來係干
激勸相應進行依擬合候

命下將吳桂芳俞大猷吳繼爵先行重加賞賚吳百朋同
加賞賚徐甫宰王詔門崇文量加賞賚未盡賊孽仍

行吳桂芳字嚴督各該將領刻期搜勦必使蕩無焦

類方稱寧以其其餘有功有罪人員移咨都察院轉行

巡按廣東御史作速覈勘奏至之日仍將吳桂芳等

一併甄錄嘉靖四十二年六月初七日題奉

聖旨是吳桂芳則大猷吳繼爵各賞銀三十兩紵絲二表

裡吳百朋二十兩二表裡徐甫宰等各十兩一表裡未

殄倭寇着上旨督兵勦滅以靖地方欽此

覆宣大總督尚書江東分布防秋兵馬疏

題為預處畿輔兩腋兵馬以慎秋防事職方清吏司案

呈奉本部咨准總督宣大山西等處地方軍務兼理

糧餉太子太保兵部尚書兼都察院左副都御史江東揭帖前事等因揭部送司案呈到部臣等看得宣大山西三鎮禦防秋兵馬較之薊鎮事體不同蓋薊鎮止防本處一旦山西則近衛南山遠援薊鎮其為經略尤當嚴密查今據總督尚書江東所議三鎮兵馬無事則據險守要餉不妄費足張撻伐之威有警則應變隨機兵不告勞甚得夾持之力至於宣鎮之保南山山大之地攻宣鎮三鎮之援薊鎮區畫極周圍融不滯譬之長山蛇勢首動尾應誠得兵家之上筭係干邊計相應必為議擬合候

命下備行江東通行鎮巡等官馬芳姜應能董一奎李秋
張邦彥楊宗氣查照遵行各另具山回奏其副總兵
麻祿而下各將遵行過緣由呈部查考中間果有未
盡事宜悉聽各官開報軍門虛心酌量從長計處不
得臨事張皇議論紛紜致妨大事嘉靖四十三年六
月十七日題奉

聖旨這所議都准行還着江東於防秋非日將鎮巡等官
分別有無違悞具奏欽此

覆薊遼總督侍郎劉燾分布防秋兵馬疏

題為預處畿輔兩腋兵馬以慎秋防事職方清吏司案

呈奉本部送准總督薊遼保定等處軍務兼理糧餉
兵部右侍郎兼都察院右僉都御史劉燾揭帖前事
等因到部送司案呈到部臣等看得薊州一鎮防秋
之時無警則當修理邊隘以為守禦之本有警則當
布列信地以成保障之功大率不過二端而已今據
總督侍郎劉燾所議就薊保遼三鎮而言分列緩急
不差毫釐就薊州一鎮而言權度輕重不失尺寸至
於一營策應一路策應一鎮策應三端明白痛切尤
臣等意見之所不及係于邊計相應亟為議擬合候
命下移咨劉燾通行鎮巡官胡鎮劉漢溫景葵查照遵行

仍各具由回奏其副總兵袁正而下各具遵行過緣
由申呈本部稽考未盡事宜各官果有所見揭報軍
門虛心酌議應徑行者徑自舉行應具題者不妨再
題務期衆思以集萬全可保方為上策嘉靖四十三
年六月十七日題奉

聖旨這所議都准行還着劉燾於防秋畢日將鎮巡等官
分別有無違悞具奏欽此

覆宣大巡按御史成守節條陳邊務疏

題為陳末議以裨邊計事職方清吏司案呈奉本部送
兵科抄出巡按直隸監察御史成守節題奉

聖旨兵部知道欽此欽遵抄出送司案呈到部看得巡按直隸監察御史成守節條陳七事均於邊防有益合就開立前件議擬上請定奪嘉靖四十三年六月二十八日題奉

聖旨依議行欽此

一曰防邊大率言宣大總督舊駐陽和適均近駐懷來太偏欲要仍駐陽和無非欲其居中調度兼理三鎮之意查得先該總督尚書江東因見去冬虜酋西還密邇南山以故題奉

欽依暫軍懷來以後接連防春苦無閑暇即今轉盼又入

秋月若使回軍陽和徒勞往復合無備行江東稍候
防秋畢日照舊駐劄陽和總領三鎮戎務防春防秋
仍軍懷來其餘冬夏二時若果南山陡有非常緊急
隨機應變聽江東徑自酌處本部難以遙制

二曰節財大率言邊方哨探不真調遣不時靡費為
甚欲要痛加議處調停兵食以修實政其意甚善合
無依其所擬備行各鎮總督將探報虜情一事專責
各該總兵官督率各路將官以後務要哨探明的方
許呈報軍門調遣兵馬以圖萬全以省多費如敢仍
前希圖放馬或以無而報有或以少而報多妄張聲

勢耗竭錢糧悉聽巡按與總督巡撫指名叅究

三曰馭將大率謂將領不同駕馭亦異欲將債事有罪者嚴加發遣當緣桀驁者痛加裁抑無非恐成尾大不掉之意但今

聖明在上百度惟熙即如往歲納賄循情一切弊端剷除殆盡至於不測之恩不測之辱出自

宸衷又皆一特鼓舞微權難以拘於常調合無斟酌所擬移咨各該總督鎮巡等官今後大小將領除斬獲真正功級犯有重大情罪者無容輕議外其充軍調衛等項必須逐名發遣候到衛所方准立功贖罪修邊

脩堡果有積勞必行巡按御史勘明論叙各該有司
官員係本鎮者總兵官處以鎮屬之禮隔鎮者原無
統攝亦不得妄自驕蹇一應民事將領不許干與果
有肆意結交子弟家人潛住京城內外者嚴衛緝事
衙門即便訪拏究治干將官一體叅究

四曰責成大率謂宣天山西三鎮兵馬固不許悞蒞
鎮之援亦不許失本鎮之防查與本部原議并總督
尚書江東近日分布兵馬所議大略相同但畿輔事
重果有警急總督自難株守關外合無備行江東臨
期酌量徑自施行至於各鎮邊臣倣以客兵為由坐

視本鎮之事真如秦越情殊可惡以後如果失城陷
堡不分已承調遣未承調遣一體坐罪

五曰練兵大率言宣大兵將自巡按閱視之外未聞
一至教場操練欲要通將軍士旗牌等役勾補招選
務足原數立法訓練俾堪戰守其論甚詳深中邊鎮
因襲之弊合無依其所擬備行總督鎮巡等官嚴督
所屬將領各將軍士旗牌原數招補充足器械馬匹
之類編定班號除輪該防守者不悞班期通將下班
人馬責赴教場比試弓馬演放火器一應操規從實
修舉武藝優熟人馬精强者厚加獎賞驕惰不悛違

悞操期者重加懲究如敢傳造飛語中傷將領悉聽
總督軍門嚴以軍法處治

六日築堡大率謂各鎮村堡近多毀壞以致虜每入
犯稱言易搶欲要嚴行各鎮計處修築以便固守無
非家自為戰人自為守之意合無依其所擬備行宣
大薊鎮總督鎮巡等官各將鎮城四外村堡逐一踏
勘悉心計處有難守者併為一堡有可守者自為一
堡舊有殘壞者再加高厚原未設立者相地創修務
求堅固牢實足堪保障其保定山西山東等處近邊
近海地方通行各該巡撫衙門督率兵備守巡等道

查照所議斟酌舉行

七曰協心大率謂各鎮督撫諸臣人懷意見事多矛盾及覆辨論詞甚激切近日御史董文宋董堯封宋纁陳省先後建言不約而同臣等心竊恠之天下之事成於同而敗於異成於同者非和光之同乃矢心之同也敗於異者非特立之異乃矯情之異也自昔名賢或先國家之急而後私讎或上殿相爭如虎下殿不失和氣載在史冊燦然可考諸臣不能景行已為自棄

聖明在上軒黃堯舜忍負之乎合無依其所擬申飭各道

總督鎮巡

行領等官以後務要痛自猛省追蹤前哲

果有利則

却已害則委人私嫌不解公事盡廢等項

悉聽巡按

御史查究所由指名叅究

覆遼東

巡按御史黃襄勘明長安等堡功賞疏

題為仰仗

天威醜虜敗遁

飛報捷音事職方清吏司案呈奉本部送

兵科抄出

巡按山東監察御史黃襄奏奉

聖旨兵部知道欽此欽遵抄出送司查得先為欽奉

聖諭事該本部照原任大同總兵官今謫戍韓承慶堪補

神機營副將

欽依韓承慶充為事官管副將事欽此又為主將督兵出邊殺賊陣亡糾劾誤事官員乞

賜重加究治事該巡按山東監察御史黃襄題本部覆奉欽依將遊擊線補袁革任仍行提問又查督撫總兵原差試百戶張世勳孔思魯潘贊奏報一百一十二名顆功本又差試百戶張世勳冠帶武舉馮夢陽副千戶潘良臣奏報一百七十二顆功本又差舍餘劉輝承差孫琦百戶姚天與奏報三百七十顆功本今功既勘明白例應併錄通查案呈到部看得巡按山東御史黃襄奏稱查勘過嘉靖四十二年十二月二十八

等日達賊糾衆節次侵犯遼東長安等堡地方各該
官軍奮勇血戰一月之內三奏捷音通共六百五十
四名顆及稱原署副總兵事今管京營副將韓承慶
先任開原叅將今陞副總兵郭江先任寧前遊擊今
陞叅將楊四畏原管選鋒千總今陞遊擊萬國原任
廣寧遊擊線補袁原任瀋陽遊擊宿仰辰坐營中軍
李成梁變陽守備劉普海蓋叅將趙伯勳原任副總
兵馮登等見任備禦劉成武高雲衢等千夫長李祿
等各應分別陞賞內緣事者准其贖罪巡撫都御史
王之誥鎮守總兵官佟登所當優錄總督侍郎劉燾

所當併錄等因又該本官叅稱長安等堡誤事千戶等官王臣等所當提問鎮守總兵佟登巡撫都御史王之誥所當量免叅將楊四畏等功浮於罪仍當錄功各一節除線補袞另俟勘問外為照遼東地方三面臨夷論其強弱則北虜強而東夷弱叙其功次則東夷易而北虜難所據前項三捷既經巡按御史黃襄勘明具奏前來臣等逐一叅詳長安堡之功當為第一靈陽之功次之撫順之功又次之相應與奏捷人員并長安堡失事人員通行議擬以示激勸合候命下將劉壽童加獎賞佟登王之誥特加陞賞韓承慶董

去為事官名色准復祖職郭江楊四畏萬國李成梁
劉普趙伯勳等二十五員各加陞賞劉成武等二十
六員量加陞賞李祿等十名各加陞級仍給冠帶宿
仰宸馮登等八員名准其贖罪高雲衢等十三員免
其究治奏捷人員張世勳等八員名照例陞賞有罪
王臣等二十二員移咨都察院轉行接管巡按御史
李輔通提到官問擬具奏其獲功陣亡官軍照冊另
行陞錄嘉靖四十三年六月二十八日題奉

聖旨這功次你部裏既查擬明白劉燾賞銀四十兩紵絲
二表裡佟登陞署都督同知之誥陞都察院右副都

御史還各賞銀二十兩紵絲二表裡照舊鎮巡地方韓承慶淮復祖職郭江等各陞一級賞銀十兩劉承武等李祿等各陞一級王臣等巡按御史提問具奏其餘依擬欽此

覆山西撫按官楊宗氣等請設官防礦疏

題爲嚴禁礦賊以安地方事職方清吏司案呈奉本部送兵科抄出提督鴈門等關兼巡撫山西地方都察院右副都御史楊宗氣巡按山西監察御史楊衍慶題俱奉

聖旨該部知道欽此通抄送司案呈到部看得巡撫山西

右副都御史楊宗氣巡按山西監察御史楊衍慶
題稱兩省礦賊嘯聚官兵擒勦已平但恐既散復聚
要行各撫按嚴督防禦及稱太原府同知李春賦性
忠勇乞改平陽府清軍同知帶管礦洞各一節為照
前項礦賊乘機竊空雖小人趨利之常拒捕公行寔
大盜作奸之漸即今雖稱平寧善後之計委當亟處
所據太原府同知李春性既忠誠才復警敏韜鈴之
略先已試于霍州奠清之功自當成於夏縣既該撫
按官楊宗氣等會保前來相應通行議擬合候

命下備行山西河南巡撫衙門同加嚴備在河南者督令

河南等道防守沿河津渡一帶以杜外賊北向之源
在山西者督令河東等道責委近礦州縣晝夜巡緝
以杜內賊交煽之禍如敢踈防債事悉聽各該巡按
御史查究所由指名叅奏至於更易李春係干文職
移咨吏部徑自議題施行嘉靖四十三年六月二十
八日題奉

聖旨是欽此

覆巡撫保定都御史張師載分布援守兵馬疏

題為懇乞

天恩預擬兵馬固關隘以防虜患事職方清吏司案呈奉

本部送准巡撫保定等府兼提督紫荆等關都察院
右僉都御史張師載揭帖前事到部送司案呈到部
看得巡撫保定都御史張師載揭稱該鎮防秋兵馬
查照上年事規酌量增減分布防禦及稱馬水口浮
圖峪二處尤為喫緊欲於總兵尹秉衡守備張功援
兵二枝量留一枝以便策應各一節為照保定一鎮
外控三關內領諸郡寔為畿輔右腋重地所據前項
兵馬分布既有信地策應又有專責扼險守要已得
常勝之形應變隨機全無牽制之患况薊保地方相
去密邇均係總督軍門所轄正兵民兵二枝雖稱援

兵直遇薊警方行徵調決不快事比之宣大山西遠近不同係千秋防相應通行議擬合候

命下移咨總督侍郎劉燾公同巡撫張師載總兵尹秉衡所議嚴行各該將領照依所守信地用心防守務保萬全原議入援兵馬二枝如果薊鎮寂無聲息自難輕動如果擁衆入塞保定總兵官先調民兵一枝前來援應如果擁衆入塞保定總兵官不必候調徑自隨賊截勦若使薊鎮無警賊營自宣大而入漸近紫荆馬水等處總督官仍當督兵調度以示一體之義事在關外俱聽臨明相機徑自施行嘉靖四十三年六月

三十日題奉

聖旨是欽此

覆都給事中邢守庭等請勅薊鎮督撫等協恭疏
題為持值秋防懇乞

聖明嚴勅薊鎮大小臣工悉心備禦以靖邊疆爭職方清
吏司案呈奉本部送兵科抄出兵科都給事中邢守
庭等題奉

聖旨兵部看了來說欽此欽遵抄出送司案呈到部看得
兵科都給事中邢守庭等具題前因撮其綱領大率
有六其一則欲據險堵截其二則欲分地四圍守其三

則欲嚴明哨探其四則欲巡按巡關御史駐劄要地

監臨督率其五則欲宣大山西陝西總督鎮巡等官

一體戒嚴其六則欲總督侍郎劉燾巡撫都御史溫

景葵同心戮力共濟文歡臣等反覆披閱字字有據

鑿鑿可行而責成薊鎮總撫協恭一節尤為確論邊

方之事全在得人一得其人則諸廢盡舉一失其人

則百蠹咸生即今邊臣總督即古都護總管使相之

職巡撫即古御史中丞監軍之任二臣同舟濟水同

室救焚休戚本自相關秦越難以相視乃今彼此才

看動見齟齬抑亦惑之甚矣臣等先因御史董堯封

等因事具奏覆議之言正與該科所見相同伏望

皇上申飭二臣務要一循舊過百倍新功已之忿慍可逞
聖明之恩豈宜仰負已之宵臆可行 朝野之望豈宜輕

失已之驕蹇可肆閭閻之苦豈宜坐視有一於此

國典具存自難輕貸至於督撫二臣果能同心幹濟拒

險嚴哨分守等項事宜不勞餘力自當振起本部一

面備行前去令其一如該科所擬從實舉行一面移

咨都察院轉行順天巡按巡關御史分駐緊要城堡

用心督察防秋畢日方許回京一面通行陝西總督

右都御史郭乾等并遼東撫鎮官王之誥等一體戒

嚴務期九塞廓清共成安攘之計嘉靖四十三年七

月初一日題奉

聖旨是欽此

會議京營戎政核實十事疏

題為懇乞

聖明申飭戎政大臣勉圖實務以重秋防事准吏部咨該

本部會題吏科抄出巡視京營吏科等衙門左給事

中等官辛自修等題叅總督京營戎政太子太保鎮

遠侯顧襄協理京營戎政都察院右僉都御史李燧

不職緣由奉

聖旨京營固本制外所係匪輕顧寰李燧吏兵二部慎評
來說一應戎政兵部會同該營悉心計處從實奏對以
保萬全欽此欽遵會議覆奉

聖旨顧寰准照舊供職着竭忠務實振舉戎政以仰報朝
廷再留之恩李燧依擬堪是任的便會推兩三員來看
欽此備咨到部臣等會同總督京營戎政太子太保
鎮遠侯顧寰巡視京營吏科左給事中辛自修河南
道監察御史劉存義議得京營之兵專為京師而設
祖宗居重馭輕強幹弱枝意甚深遠邊關之事貴之邊兵
所以張京兵之羽翼京師之事貴之營兵所以壯邊

兵之根本氣脉相通聲勢相倚即如去冬變生倉卒請調紛紛以致戎政二臣莫知適從欲聽其徵調則腹心為重調去一枝京城使少一枝之用欲阻其徵調則口語橫生一人倡之百人從而和之即今正值防秋臣等以為先當定其規模中外之臣始便遵守除通州昌平原係京師肩背肘腋遇有警急酌量分發策應已於後開款內備陳外其餘密雲順義三河良涿等處雖有警急上聽總督軍門徑發邊兵策應不得仍前輕討京兵致悞大計及照事不在於文具政常庶集衆意所據營中一應事宜臣等遵奉

明旨始而通行副叅佐擊官各另開報繼而會同巡視科道官同加叅酌連日悉心計處總得十事不敢不從實奏對伏望

皇上俯賜采覽

勅下遵行嘉靖四十三年七月二十四日題奉

聖旨這戎政事宜你每既會議條對都着實舉行以裨安攘大計欽此

一核操練之實會議得治兵之法有合操有分練合操而不分練無以熟其技藝之能分練而不合操無以盡其營陣之變二者並行方克有濟即今下操之

法列行而立舉砲而行主將入營諸軍環立中軍者
進曰稟事件主案者進曰行文書常套既畢方始開
操曠日廢時以致將疲士怠未執弓矢未持火器而
精力已先竭矣僅舉合操惟日不足又何暇及於分
練哉合無以後合操之日不必分練分練之日不必
合操每月以初一初八十五二十三十四日為期戎政
二臣五鼓入營總閱一次軍士先期至教場列隊而
坐相去五尺一砲起二砲列營三砲開操照依舊規
操畢方演技藝不拘火器弓矢俱懸銀牌為的中者
即以銀牌賞之不中者酌量懲治科道不時巡視聽

從其便其餘二十六日戎政二臣至營中軍止舉砲
三聲砲畢官軍分入各營聽本管將官自行操練大
率弓矢火器亦俱以銀牌為的中者給之將官下若
千人射打中軍千總把總管隊下若干人射打預先
分定各另演放務盡以一教十以十教百以百教千
之義戎政二臣與巡視科道不必同在一處隨意各
入一營親為較閱除中者亦賞銀牌外不中者酌量
懲治管教官旗各以所教之人中的多寡分別明白
動支子粒銀兩買辦花紅聽戎政科道官會定賞格
當面賞勞少俟各營操畢中軍再舉砲三聲軍士以

次出營戎政二臣然後料理文書軍士乘朝氣之銳
免久立之勞得早散之便一舉三得人心自然踴躍
一核戰守之實會議得京邊之兵雖一戰守之用各
殊蓋邊兵主於戰而守在其中京兵主於守而戰在
其中邊兵戰於外則奮其敵愾而手足之義明京兵
守於內則嚴其彈壓而腹心之體正近日議者多欲
遠調京兵與虜角戰不知倉卒之際尚當廣集邊兵
以衛京師豈有反調京兵外出之理合無今後有警
除南有重城事勢稍緩不必設營外東自東便門起
迤邐而西至西便門止即以車營十枝酌量分布大

率東北二面為急用車營八枝西面稍緩用車營二枝每枝實營盤一處虛營盤二處略如布棋之勢去城雖遠不過一里二里其戰兵六枝將副將四員城東城北城西城南各屯一枝聯絡劄營不必太遠緊在關廂之外聽臣等相度賊勢專備城內城外調度應援餘下叅佐二枝俱隨臣等戎政二臣同駐適中去處一應軍中事宜臣等得以面相計議外壯車營聲勢內助都城防守庶為兩便萬一通州昌平請討兵馬即將叅佐二枝分發策應若非十分緊急不必輕發徒為勞費

一核將領之實會議得即今京營諸將或取其久諳
邊務或取其屢有戰功可謂極一時之選矣顧乃遂
隊隨行全無表見豈邊關為易而京營獨難哉臣等
以為不能協和故也每議一事面相從矣復退而相
訾每練一兵詞相詡矣復陰以求勝操練無效則曰
主帥之令不敢少違及使盡言又逡巡而掩口攻刺
無術則曰

祖宗之制不敢少變及使議法止跼蹐而俯躬矜已之廉
以驕人發人之私以揚已大不和於衆不可以師上

負

聖恩中違將令下失軍心則將焉用彼哉合無以後容臣
等戎政三臣將各官痛加戒飭務期視 國若家視
軍如子視賊如仇上下同心內外戮力以慰

宵旰之懷如敢仍蹈前弊及搖惑軍心阻撓軍機者容臣
等科道官從重叅治以爲人臣不忠之戒至於一切
營務統領于上總其大綱者臣等戎政二臣之事分
理于下條其小紀者諸將之事舊規一決一罰一鞭
一撻皆臣等任之諸將拱手受成而已甚非所以重
將權明功政體也今後合營之事臣等戎政二臣王之
各營之事各將王之若身之使臂若臂之使指有兼

本朝家範卷之五 言 二二
督之節節易無掣肘之嫌疑方爲長便

一核當平士之實會議得莫難於練兵尤難於選軍固
有選時強壯而練時衰疲者亦有選時精銳而練時
疾病者自故選軍以備練軍之用練軍以寓選軍之法
二者不可偏廢也今選軍已半年矣能無衰疲疾病
者則丁其中乎合無容臣等戎政二臣於每操練之
時嚴行各營將官詳加閱視但有衰病軍士即行摘
出換在城守備兵營中挑選精強者不必類行隨缺
隨補定無日不練無日不選行之既久人人皆可練
人人皆可選矣

一核論議之實會議得三軍之心至難齊一論議不
宜太多法令不宜太煩即如近日營政或軍分三等
而朝改夕更或將列各營而東移西調譬之醫家處
方既定不俟奏效輒為易方奕者布勢方成不待終
局輒為變勢施於一人尚難行之而况億萬之衆哉
合無以後京營一切號令未定之前不害于同不嫌
於異既定之後姑令遵守以考成功若今日曰當因
明日曰當革一人曰當守一人曰當戰橫議紛紜揆
之政雖甚為錯謬况謀事貴廣處事貴決持不斷之
意集為盈庭之言何時議論方已哉此於軍務極為喫

緊

一核火器之實會議得京營原選戰兵六枝兵車十枝全賴火器以為長技製造不精則器不成用每致反傷給發不速則器不相習必致悞事巡守官軍尚可陸續處給惟戰兵車兵一十六枝時不可緩每兵車一營約用一位砲三百二十位夾靶鎗一千桿每出戰一營約用連珠砲一百位夾靶鎗一千三百桿總該二萬一千六百位桿鉛子隨火器倍給合無聽臣等備行工部春秋兩防查照前數盡行領出責令軍士常川演放遇晚收於德勝安定二門新設庫內

試驗堅好者留管備用損壞不堪者送曰該局即便
改造以革異日混給之弊畢日通行交還該局

一核兵車之實會議得兵車之設較之馬兵十分省
便但運用驅馳不無損壞若毀輪敗轆腐繩朽索與
無車同耳合無每年春秋二防容臣等戎政二臣備
查各車營輪轆有無堅緻繩索有無牢固如有不堪
及缺少者備行工部不時脩理方得實用

一核城守之實會議得都城正陽崇文宣武三門外
有重城每門止用軍二百名共六百名各委號頭一
員統率把總管領其餘六門并重城七門每門官軍

五百名共三千五百名與同各該守門官軍相兼守把都城敵臺二百二座每座軍十名共軍一千二十名梁口六千四百處每口軍一名共軍六千四百名重城敵臺五十七座每座軍五名共軍二百八十五名梁口八千九百九十二處每口軍一名共軍八千九百九十二名臨期如有事故聽臣等戎政二臣即於班軍內照缺撥補每門將官一員督率千把總官管領晝夜巡故臺聽

欽命大臣調度本營一面預造花名文冊不令月日逃故者明註其下以革臨時混淆之弊

一核彈壓之實會議得都城內鼓樓東西二處四牌樓二處東安門西安門大街二處左右長安門大街二處東西江米巷口二處共十處每處軍伍百名共軍五千名各委中軍千把總官管領聽候調用東西仍各總委將官一員往來提調重城內豬市口東西二處每處軍五百名左安門東便門適中處軍五百名右安門西便門適中處軍五百名永定門內東西兩處每處軍五百名共三千名各委中軍千把總管領擺列仍總委將官一員往來提調二項遊兵俱於三等城守軍人內選用如或不足即於班軍內挑選

強壯者相兼守城替出三等軍人都充前項之數一
以潛消奸宄一以聽候策應

一核哨探之實會議得京營事體雖與邊鎮不同春
秋兩防虜情急緩均當預聞若止憑邊鎮傳報則是
全寄耳目於人萬一為其所誑悞事不淺近例各邊
夜不收哨探明實防禦有賴者陞實授一級陷歿者
陞署一級被傷者量賞委為鼓動人心之要合無每
當春二三月秋八九月容臣等戎政二臣於各官家
丁內慎選道路孰知年力精壯者齎執火牌前去薊
鎮宣大沿邊分投哨探果能哨探明實或被殺被傷

照依邊鎮一體陞級加賞以示激勸

得巡視東關御史陳省條議薊鎮防秋事宜疏

題爲條陳薊鎮防秋事宜以備采擇以裨治安事職方
清吏司案呈奉本部送兵科抄出巡按直隸監察御
史陳省題奉

聖旨兵部看了來說欽此欽遵抄出送司案呈到部看得
巡按直隸監察御史陳省條陳防秋三事均係邊方
要務合就開立前件議擬上請定奪嘉靖四十三年
七月二十四日題奉

聖旨依擬行欽此

一議青成將領大略謂蒞鎮主客將官偷安愆事規避成風往往致有疎失欲要痛鑒前非重加懲創及責兵備該道一體幹辦查得該鎮十路東自山海關石門寨起西至黃花鎮鎮邊城止近該總督侍郎劉溥分布防秋兵馬肇畫險夷坐委將兵俱已詳盡但將官不無勤惰防守自有疎密以故御史陳省仍欲責備以求萬全至於中間指摘弊源申明憲典詞嚴義正尤爲要務合無移咨劉壽督同總兵官胡鎮巡撫溫景葵通將各路兵將時加稽考要見某路人馬精壯設備周匝足堪保障某路人馬衰疲設備疎漏

不稱委任無事之時查其弓矢火器有無利鈍有弊之際察其調度料理有無勇怯逐一分別詳明或先事更置其後事舉劾悉聽徑自酌處敢有仍造鐵冠之言蠱惑衆心及結知權貴不遵約束者許總督撫按巡關下時叅論或徑聽總督處以軍法或速請

明旨加以重典見任兵備俱極一時之選宣力宣猷自無待於諄復各宜查照陳省所議徑自力行以圖報稱一議激勸軍士大略謂往時官軍擺守信地紀載不明功罪無據以致賞罰溷淆欲將薊鎮分布官軍姓名各照牆堦備造圖冊以便查覈至于責成脩守申

明賞罰之事種種可行除犒賞銀兩本部先已議奉
欽依給發外合無依其所擬備咨總督劉燾通行鎮巡等
官除守邊將士遵照題定諸路分布脩守外仍將官
軍姓名備開文冊要見某軍所藝某器所守某梁原
係某主客官軍今該某將官領轄一樣二本一送巡
按一送巡關各御史處以備巡歷點閘無事則稽其
工程器械分別懲戒有警則查其堵截拒守照例題
錄其軍門總兵分撥策應標遊將士亦要與巡按巡
關御史一體知會以便稽考

一議庸劣提調大率謂見任各口提調李文等怯懦

卑猥欲要更換并稱廢棄立功將領王繼祖等營員
功次及要罷革時正防秋所言均與邊政有益准總
督侍郎劉燾咨稱指揮寧子周柴良弼俱堪任用巡
撫都御史溫景葵揭稱百戶陳耀謀勇可觀合無斟
酌所擬將李文胡永昌周良相先行革任陳耀即補
冷口柴良弼即補青山口寧子周即補大安口各提
調員缺內陳耀量陞署指揮僉事仍俱照例以都指
揮體統行事至於原任總兵王繼祖叅將徐致中嚴
瞻馮詔既稱賊跡狼籍曾經敗衄各令隨伍立功不
得濫與管軍管事致滋冒功之弊以後散將必須查

其年力精壯行檢無虧者方許委用

覆兩廣提督侍郎吳桂芳等湖忠征倭獻捷疏

題爲仰仗

天威官兵奮勇勦倭一陣斬首千級地方平寧再報異常
大捷事職方清吏司案呈奉本部送兵科抄出提督
兩廣軍務兼理巡撫兵部右侍郎兼都察院右僉都
御史吳桂芳巡撫南贛汀漳等處地方提督軍務都
察院右僉都御史吳百朋鎮守兩廣地方總兵官征
蠻將軍恭順侯吳繼爵各題同前事俱奉

聖旨兵部看了來說欽此通抄送司案呈到部看得提督

兩廣右侍郎吳桂芳鎮守兩廣總兵官恭順侯吳繼
爵巡撫南贛都御史吳百朋會題稱閩中流來倭寇
二萬餘徒侵犯潮惠地方隨督各該官兵併力協謀
通計擒斬二千四百四十名顆奪回被虜男婦三十
名口餘黨奔海開洋盡被風雷擊斃節今廣東寧謐
及該侍郎吳桂芳揭稱今次之徒湯克寬允爲摧陷
元功各一節爲照前項倭奴爰自福建流入潮惠之
境糾結山寇土寇徃來奔突極其猖獗侍郎吳桂芳
巡撫吳百朋總兵官吳繼爵迺能公同總兵官俞大
猷督同原任副總兵湯克寬見任叅將王詔并各路

官軍一破於金錫再破於息坑三破於雲落逕諸處
天威震疊風雷擊沒者不下萬餘士氣雄揚擒斬捷報者
幾及三千廣中自有倭患以來未日有此若候勘至
方行甄錄未免遲滯係于激勸相應亟行議擬合候
命下將吳桂芳俞大猷吳繼爵重加賞賚吳百朋王詔同
加賞賚湯克寬先復祖職一應有功効勞人員移咨
都察院轉行廣東江西巡按御史刻期勘明造冊奏
繳以憑與吳桂芳等仍加錄敘嘉靖四十三年九月
初六日題奉

聖旨是這斬獲倭寇數多功委可嘉吳桂芳俞大猷吳繼

爵各賞銀四十兩紵絲二表裡吳百朋三十兩二表裡
王詔二十兩一表裡湯克寬准先復祖職一應有功人
員著各該巡按御史作速勘報欽此

覆巡撫遼東都御史王之誥議設險山叅將疏
題爲議處東南極邊要害添設兵將控扼虜衝預防外
患以永安重鎮事職方清吏司案呈奉本部送兵科
抄出巡撫遼東地方兼贊理軍務都察院右僉都御
史王之誥題奉

聖旨該部看了來說欽此欽遵抄出送司案呈到部看得
巡撫遼東右僉都御史王之誥會同鎮守總兵官

登巡按監察御史守輔具題前因大率言遼陽東南一帶險山等處塘堡兵馬單薄虜常侵犯又值朝鮮入貢之路雖有副總兵調度相去隔遠應援不及欲要於險山添設叅將一員召募軍馬三千名駐劄前項地方管理鎮東等一十三處城堡及舉原任遊擊徐九齡并開列未盡事宜各一節為照鞏陽險山一帶地廣山深在內則逋逃淵藪在外則夷虜襟喉極稱要害且與遼陽副總兵相距寫遠一時顧理委屬難周所據都御史王之誥等具題添設叅將一事博採閭閻之情叅詳王道之義募軍買馬俱已成章除

器理儲無不由盡一時撫臣經略優長如之誥者委不多見至於遊擊徐九齡原係病痊官員別無違礙既該指名奏薦前來相應一併議擬合候

命下將徐九齡即以原職充險山叅將分守鎮東等一十三處城堡仍聽總督鎮巡官節制本部查擬責任請勅一道齎付本官欽遵行事合用符驗旗牌行移各該衙門照例請給其餘十事開立前件恭候

宸斷嘉靖四十三年九月十五日題奉

聖旨是徐九齡依擬用所議十事俱准行欽此

一分守地方欲要於遼陽副總兵所轄三十七城堡

內分撥險山靈陽一帶一十三處城堡責令新設叅將管理清河鹽場等處二十五城堡仍聽副總兵管理據其擘畫俱已詳明合無依其所擬將副總兵郭江叅將徐九齡勅書應換給者換給應請給者請給齎付各官欽遵行事

一分兵協守欲要將該營新軍三千名分撥寧東堡其餘一千四百名仍隨叅將操練臂指相使深得體要合無依其所擬分布防守遇有大舉深入仍聽叅將隨宜調遣

一修復廢堡欲於媳婦山堡改名寧東仍要撥軍修

守委官管攝俱已停妥合無依其所擬選委相應官員以次修理仍將委過官員職名類報查考

一裁革提調欲要將險山江沿二提調議革該堡軍馬并聽守堡官叅守調度官既不冗兵有所歸合無依其所擬查照施行其所革提調官如果尚堪任使徑自從宜委用

一衣裝房田欲要將寧前支剩募軍銀兩新軍每名給銀三兩以充衣裝起房一間以為棲止并議及將官公舍軍士營田有居有業且耕且守俱屬詳盡合無依其所擬將前項銀兩准其照數支給官軍公廨

房屋如法蓋造其荒閑田土任從各軍儘力開種永不起科

一馬匹軍器看得新軍騎征馬匹既有本部原發馬價樽節之數合無依其所擬動支收買給軍騎征其不敷三百匹聽巡撫衙門徑自計處

一修復關門欲要將甜水站迤東連山關解計處修理并議委官照舊驗放深得尊中國警外裔之義合無依其所擬將關門公舍及時修設盤驗官軍廉選委用工完之日遇有入貢陪臣一應報名等項事宜悉要查復舊規不許因隨襲訛致傷大體

一修復虎牢欲要於酸陽迤東東州一帶隘口外設木柞內挑坑塹仍照韓承慶虎牢規制與廢舉墜深於戰守有益合無仿其所擬係江沿一帶者責令徐九齡係東州一帶者責令郭江督率官軍如法建置一添設山墩欲要於寧東一帶一十三處山谷擇其高險添設木墩撥軍半傳報無非明我耳目之意合無依其所擬備行新設參將徐九齡通查前項高險山谷照依井欄木墩如法添置撥軍瞭望

一新軍寄籍欲要將應募軍人各隨附近衛所經歷司寄籍並免一切雜役杜絕原戶扳擾處置俱已得

本朝考考之司考考
宜合無依其所擬將一應新軍不拘流移商客人等
各照占定田產就近開報如係南衛地方者就於南
衛經歷司係遼陽六衛者就於六衛經歷司各將正
幫軍丁明造一冊送部查考不許該管官司及原籍
戶丁扳扯差役違者聽巡撫衙門徑自究處

覆都給事中邢守庭等申明禁例疏

題爲摘陳職掌事務懇乞

聖明申嚴禁例以示法守事武選清吏司案呈奉本部送
兵科抄出兵科都給事中邢守庭等題奉

聖旨兵部看了來說欽此欽遵抄出送司案呈到部看得

兵科都給事中邢守庭等條陳事宜均於本部職務有益合就摘開前件議擬上請定奪嘉靖四十三年九月十七日題奉

聖旨依擬行欽此

一曰申明勘報之條看得南北功次及失事立功事例節年開例甚明即如北方真正虜酋加陞三級斬獲強壯實職一級幼小者給賞南功真正倭酋實職一級強壯從倭陞署一級其餘量賞失事立功之人勘明發伍方准贖錄指揮四名顆千戶三名顆百戶二名顆復原職少及數以次量復部下之功每

五名准復一級祇緣文移多涉遷延以致人心遂懷
觀望或開陳功伐或希圖錄贖誠如該科所論合無
移咨如都察院轉行各該巡按御史并咨總督鎮巡等
官今後凡勘一應功次文書到日責令承委司道遵
照本部題准事理通限兩月以裏據實開報要見某
功奇且典應該超錄某功真正應該陞錄某係前後親
功應該併錄某係陣亡嫡親子姪兄弟應該襲陞查
覈既訖即與造冊奏繳不得延擱日久令其紛擾其
失事上功人員除迹涉誤累法可矜原者許酌量委
用其化該損失觀望等項重罪務要定衛發遣方准

隨伍七功若事未勘明遽圖委用及原無斬獲與一切修田巡緝之勞妄求世襲或自陳勞績希免罪辟者悉在聽臣等與該科指實參究

二曰由丁明妾奏之條看得項因醜虜匪茹不得不廣集衆心但有一才一藝者本部必加驗試分送各鎮隨宜采女用迺今尚有前項人員仍復剽竊浮言逞携伎倆守常火器車營塹牆縛馬之類輒敢仰塵

天聽甚至右引罷閑官員開騰書目希圖倖進如鎮江府吏以孫漢者交臂接踵殊為可厭合無今後一應建議報効人員止許據所知見開送本部詳加校驗

如有可行即時咨送各該軍門以收實效不許奏擾中間爭體窒碍識見粗淺者原詞立案勒限責令回籍如敢潛住京師聽本部及廠衛衙門拏究治罪

三曰甲明帶銜之條看得國初設立武職惟都督職為最崇不宜輕假正德十六年題准今後五府都督等官必是都指揮使累積軍功勲庸顯著及譽望超卓仕人耳目者方許擬陞不得如前都指揮使獲功一以即陞都督僉事向來遵奉並無冒濫止有中
外奏帝併功陞級與奉

旨錄蔭子姪二節委當亟為釐正合無今後但遇錄蔭有

親了弟姪者每官各廕一人不許併授如止有一人再無親子弟姪者併至指揮使而止止在本所帶俵不得槩陞都指揮使都督職銜以致混淆名器錦衣衛係親軍侍衛衙門各衛官員無故不許濫入南北鎮撫司掌印僉書員缺該衛題行本部照例查擬相應官二員請

旨簡用如臣等不能執持自壞法紀亦聽該科不時叅究四曰申明襲替之條看得各該都司衛所襲替給養官舍例該保結到府轉行本部查照黃選功次選授先因各府屬吏故意留難故有五日送部之限猶恐

任情洗改又有赴部驗文之例而五府屬吏乃敢視令甲為虛文以舍人為奇貨有賄者則立為轉文無賄者則多方刁勒或一月兩月甚至半年之上以致遠方之人稱貸乞丐殊非國家體恤武臣之意至於解軍違限有何大罪而罰取贖金進表都司專為聖節而逮繫僕從吏初叅則收公堂三十金官坐府則送茶錢五金弊端種種誠有如該科所論合無備行五府掌印官以後務要嚴禁屬吏如遇襲替官舍到府五日之內即與起文過部如果違至十日之外聽武選司開送兵科該吏徑送法司究問首領官請

旨處治其餘茶果分例等項痛加剗革若仍蹈前弊該科
訪實徑自指名叅奏

覆陝西總督都御史郭乾請加陝西總兵官銜疏
題爲查議鎮守職銜以便調度以一軍務事職方清吏
司案呈奉本部送兵科抄出總督陝西三邊軍務都
察院右都御史兼兵部右侍郎郭乾題奉

聖旨兵部知道欽此欽遵抄出送司卷查嘉靖二十一年
三月內該提督鴈門等關兼巡撫山西地方都察院
右副都御史劉泉題將偏頭關副總兵改充總兵官
移置寧武使之居中調度東西策應又查得嘉靖三

十九年八月內該本部職方清吏司署郎中王叔果題稱昌平既有副總兵又有提督同處一城委爲冗員似當裁併之將提督雲昌改充總兵官鎮守居庸昌平等處地方各等因俱該本部議擬覆奉

欽依通行欽遵去後今該前因通查案呈到部看得總督陝西三邊軍務右都御史郭乾題稱陝西原設鎮守署都督僉事舊住省城道路適均後因邊警頻仍改駐固原事權未重乞要比照薊州山西兩鎮事例將陝西鎮守官加與總兵官職銜以便調度一節爲照陝西鎮守雖非掛印委與山西昌平二鎮事體相

既該總督官具題前來相應依擬合候

命卞將新任鎮守陝西地方署都督僉事郭江照例加與
總兵官名銜本部備查原擬責任增入

制勅齎付本官欽遵行事原給關防照舊用使不必另換
嘉靖四十三年十月初八日題奉

聖旨是欽此

覆都給事中邢守庭等叅山西失機嚴行勘究疏
題爲邊關失事懇乞

聖明嚴行查覈以肅國法事職方清吏司案呈奉本部
送兵科抄出兵科都給事中邢守庭等題奉

聖旨兵部知道欽此又該巡按山西監察御史楊衍慶揭
為達虜突犯損折將領乞 賜查究誤事官員事通
送到司案呈到部看得兵科都給事中邢守庭等巡
按山西監察御史楊衍慶各題揭前因大率謂本年
十月二十四日達賊突犯山西周家山蔽萊卯等處
遊擊梁平守備祁謀并千把總等官俱各對敵折傷
在邢守庭等則稱賊自前月二十四日入犯至今月
初三日出邊狂悖固非一朝劫攻必非一處將領損
軀軍士斃鏑或不止此要行巡按御史逐一查勘指
實參論在楊衍慶則參稱偏頭關參將朱翰所當重

究山西總兵官董一奎所當併究巡撫都御史楊守
氣所當量加戒諭各一節為照今歲自春徂秋九邊
悉無警報惟自山西地方十月將終獨遭虜患二將
既折部曲之傷殘必多一旬方出閭閻之蹂踐難免
巡按御史楊衍慶正以折將一事參究有非人員以
故兵科都給事中邢守庭等欲要從實查勘殊為有
見相應通行依擬合候

命下移咨都察院轉行彼處巡按御史親詣被虜地方逐
一嚴查要見達虜實有若干原從何處入邊何處出
邊經過村落殺虜人口頭查實有若干遊擊梁平守

備祁謀等是否輕率應否錄卹遙制指授如總督居中調度如巡撫親臨戰陣如總兵叅遊守備文書到日限半月以裏作速分別查叅以憑覆請定奪嘉靖四十三年十一月十九日題奉

聖旨是欽此

覆南贛江西撫臣論知縣王化軍功并妻死節疏題爲飛報擒獲屢拿積惡巨寇甄拔有功官員事職方清吏司叅呈奉本部送兵科抄出巡撫南贛汀漳等處地方提督軍務都察院右叅都御史吳百朋題前事巡撫江西等處地方兼理軍務都察院右叅都

史周相題為飛報擒獲屢年稔惡巨寇捷音事俱奉
聖旨兵部知道欽此欽遵通抄送司察呈到部看得巡撫
南贛汀漳都御史吳百朋巡撫江西都御史周相各
題稱南韶賊首梁國相與今被斬獲賊總梁統等叛
招糾衆劫剽害人平遠縣知縣王化親督鄉兵擒獲
渠魁其妻計氏誤傳聞夫遇害遂自刎死在吳百朋
則要將王化比照龍南縣知縣龔有成事例重加陞
錄計氏照例旌表立祠及將饒平知縣管惟乾量加
賞賚在周相則稱右叅政劉光濟兵備副使李佑知
縣王化俱功當首論計氏例當表揚各一節除劉光

濟李佑候巡按御史勘至易議外爲照山賊梁國相等稱亂一方流毒三省其罪委在不赦知縣王化督兵擒獲猶爲人臣不二其心之常伊妻計氏聞變捐生更得婦人從一而終之義旣該巡撫都御史吳百朋周相具題前來事干激勸相應通行議擬合候

命下將王化先行重加賞賚管惟乾量加賞賚仍咨吏部將王化查照龍有戍事例陞授府同知職銜掌管縣事計氏移咨禮部旌表立祠以示崇異賊首梁國相丘萬里等備咨都察院轉行江西巡按御史會官處決照例梟示未獲餘孽聽吳百朋周相嚴督各該兵

軍刻期勦絕以靖地方但 恩威出自

朝廷嘉 有四十三年十二月十六日題奉

聖旨是王 賞銀二十兩管惟乾十兩未獲餘孽着吳百

照周相 督各該兵備將領刻期勦滅以靖地方欽此

覆 給事中張岳條陳公選將覈差遺疏

題為酌 論時宜相期誠心圖報以光昭

聖治事職 方清吏司案呈奉本部送兵科抄出刑科右給

事中張岳題奉

聖旨該部 知道欽此抄出送司案呈到部看得刑科右給

事中張岳條陳公與論覈部差二事合就開立前件

議擬一請定奪嘉靖四十三年十二月十七日題奉
聖旨依議行欽此

何謂公輿論看得右給事中張岳所陳大率謂會推
將官如任俊曠昏黃印狡猾郭江朦瞶韓承慶龔曠
聊且塞責一時欲要行令各衙門大小臣工各舉所
知俱從本部推訪并開列日米月會時計歲成議論
殊爲詳悉但揀選將材當論其內之謀勇不當論其
外之形狀古之人固有雙足俱無坐籌輜車單目
存立功衝陷者均皆不失爲名將即如總兵官郭
一日爲虜所射雖云微眇百戰而氣不衰允矣雄材

節該巡按御史黃襄等奏保之詞至不容口用之
西鎮守似為相宜副總兵韓承慶威聲清聲武弁翹
楚未推之先巡撫王之誥則揭稱用之遼東方當其
才既推之後巡撫三之誥則揭稱韓帥之用東人其
服一方有賴重聽無妨總兵官黃印領運既久物議
未聞循資雖已改官陳情旋即養病提督任俊直贇
忤時沉淪積歲始以人望收錄冀其作為乃今自行
玩愒不聞振勵以上四臣等虛心評品固不敢依
違言官以求同亦不敢偏執已見以立固共要之期於
允愜輿論而已除黃印難以再議外合無將郭江韓

承慶令其照舊供職任俊革任閑住員缺會官推補
至於所稱按歷日時各舉將材無非廣搜博訪以備
干城之意臣等再四叅詳政貴體要方可經久合無
斟酌所擬自嘉靖四十四年為始通行九卿科道官
每歲於春防未事之前秋防既畢之後不拘見任未
任在京在外各據見聞自為一疏要見其宜邊方某
宜腹裏某宜沿江某宜沿海分別奏薦俱候抄下本
部分送該司附之南北將材簿內遇有員缺聽臣等
以次推補猶恐各該衙門過為遠嫌不肯舉行又在
該科嚴加稽考務臻實效

何謂覈部差看付右給事中張岳所陳大率謂本部
誥命柴薪軍冊軍器並遣部屬數多有妨職業除軍冊軍
單自來未曾差也柴薪因今歲借過馬價六萬餘兩
照常奏差主事一員事完自當停止俱難別議外所

據武官 誥命未文與文官不同文官各自一

誥有人祇領武官接替平績 誥無人祇領向來題奉

欽依歲差司屬二員及投頒給無非慎重絲綸之意但惟
本衙門之官坐坐已涉過多別衙門之官借差更屬
無謂即如先年由書舍人夏道南等俱嘗借討此差
相應通行釐正今已無斟酌所議以後每歲止差一員

減去一員於本部司屬及辦事進士內酌用仍定與限期違限叅奏并中書都事此後通不許差以定職守以省勞費

覆都給事中邢守庭等再叅山西失機併勘疏

題為達虜再入西犯懇乞嚴勅邊臣亟加勦逐併究怠玩人員事職方清吏司案呈奉本部送兵科抄出兵科都給事中邢守庭等題又該巡按山西監察御史楊衍慶題為聲自心事俱奉

聖旨兵部知道欽此通抄送司案呈到部臣等看得兵科都給事中邢守庭等題稱醜虜再犯山西深入興嵐

一帶乞要嚴行總督鎮巡等官痛加剪刈并查勘經過失事地方情罪及該巡按御史楊衍慶題稱欲要速調鄰兵援勦各一節為照山西地方未及兩月兩遭虜患顯是總督鎮巡等官防範疎略醜虜覘知無備敢行侵軼先次失事之罪尚未勘明今次失事之重可以槩見尚書江東雖經報稱前賊回到三井地方勢將出邊亟在剝膚相應亟為議處合候

命下本部馬上差人齎文交與江東即將所題大同正遊兵馬督令總兵官姜應熊等巡撫侍郎萬恭公同總兵官董一奎嚴督各路主鄰兵馬責令叅遊守備等

官馬舉等墮賊過勦以收桑榆之功不許自分彼此致悞事機其董一奎先行住俸聽其戴罪殺賊果能立有奇功一併酌議一面移咨都察院轉行山西宣大巡按御史通將虜賊進入道路經掠地方各該人員失事重輕嚴加覈勘賊退之日各另奏報應叅應問人員照例施行其原任巡撫都御史楊宗氣要見何月何日與萬恭交代先令事情亦聽查明一併具奏嘉靖四十三至十二月二十九日題奉

聖旨是欽此

楊襄毅公本兵疏議卷十四終